

اداره مخصوصه

درسعادتده ياب على جوارنده

محل اداره :

مستطابق

اخطار :

مسلكنزه موافق آثار جديده مع المنوبه

قبول اولنور

درج ابدليني آثار اعاده اولنار

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شتون اسلاميه دن
بحث ايدر و هفته ده بردفعه نشر اولنور.

درسعادتده نسخه سى ۵۰ پاره در

صاحب و مؤسلى :

ابوالعلا زين العابدين — ح. اشرف اديب

تاريخ تأسيسى

قبراه دن مقوا بورو ايله كوندربليرسه سنوى
۲۰ غروش فضله آلنير

۱۰ تموز ۳۲۴

آبونه بدلى

سنه لى ۸۰
التى آينلى ۴۰
غروش »

هر طرف ايچون

بولدیغندن هر کون برتوره دی ظهور ایله بریکی مذهب ایجاد ایدر و ایرانلیک بیننده نفاق و عداوتک تزییدینه سبب اولوردی [۱].
شو مذهب طولابری حکومتک ایشنه پک زیاده یارادیغندن بولدن استفاده ایله منورالافکار و حقوقی طلبه مقتدر ایرانلیکری بابی لکله اتهام ایدرک اعدامه موفق اولور و بو مذاهب مختلفه برون وطن اولادینی یکدیگرندن تنفییه سبب اولوردی .

منلا بلالری ، مذهب دعوالری ایرانی اوپله برحاله کتیرمشدی که دکل بر فارسک ترکه ، بلکه بر شهرک ایکی مختلف محله لیس یکدیگرنه آیری برر عنصر کبی یکدیگرندن نفرت ایدر و دائم مجادله یه مهیا بولنورلردی روحانیلرک و حکومت طاقتک منافعی محافظه ایدن بالطبع جهالت اولدیغندن اهالی بی جاهل براقق ایچون شایان حیرت غریبه لر ، تصور اولونماز حیللرله خاق اوقومقدن ، علمدن تنفییرایدیلر ، ارباب علم و معرفت کوشه بوجاقلرده جان ویررجه سنه شدتلره معروض بولنورلردی .

عوامی اغفال ایچون ملا قیافتلی لر ، «چوق اوقویانلرک ایلروده وادی ضلالت صابه جقلرینی و (نمود بالله) بابی اوله جقلرینی و هرکیم اولادینی چوق اوقودیرسه ایتدیکی بر فالقندن طولابی عندالله مسئول و مماتب طوتیلاجفی» و سائرینی سویلر ، بیچاره اهالی بی ، زواللی کویلی بی صومیق ایچون دینی واسطه شیطننت ایدرک بابیلکی ، نفرت ایتدیکی شیشی کوزینه صوقارلردی .

ایشته ایران شو حال پریشانیده یو وارلانونب طورورکن خاطر و خیاله کلمه ین اقصای شرق محاربه سی آچیلمش و روسیه نک تپه لیمسی ایله هرج و مرج داخلیمی ایرانده مشروطیت طلبنه سبب اولمشیدی .
روسیه حکومتک دوچار اولدینی بوضعفدن ایرانلیلرک استفاده

[۱] (بابی) مذهبی کبی ، بومذهبک موجودی ناصرالدین زماننده توره مش ملاقیافتلی میرزا علی محمد نامنده براوقومش ایدی . حین ظهورنده (ان مدینه العلم و علی بابها) حدیثک مصدری اولان (علی) کندیمی اولدیغنی بیان بحلال مشکلات اولدیغنی اعلان ایلردی .

اشترک عیال و اموال کبی برچوق شیلری کویا تجویز ایتدیگندن پک آز زمانده مذهبی رواج بولمش و بیکارجه عونو اطرافنه طولانمشیدی .
کفرینی ادعا ایدن وقتک علماسی فتوالر ویررک اعدامنه حکم ایتدیلر . صلب اولندقدن صکره قورشونه دیزلمسی ایچون آتیلان قورشونلردن بری ایبه اصابتله ایپک قومسی اهالی بیننده رامانه حمل اولمشکن ینه اعدام ایدلشدر . ایرانک شو انحطاطی بو یادکارک سایه سنده اولمشدر دینلنه خطا اوله ماز . نرده برکوزی آچق ایرانلی کورولمشه بابی دنیلرک اتهام اولنش و حریت اوغرنده زواللی ایرانلیلر جان ویررکن وطنداشلی طرفندن تلغین و تحقیرله یاد اولنغه سبب اولمشدر .

علی محمدک خلقی اولان (میرزا حسین بها) کیت کید (الله) اولدیغنی ادعا یه قدر ترقی ایتمشدر .

(بها) نک خلقی و اوغلی اولان (عباس) قوللرینی عکاکان اداره و وجود الیهلری ؟ عکاکی مقرالوهیت ؟ اتخاذ ایدیور .

شوزمانده پاره سیله قول اولانلرک حالت شویات مصراع موافق دکلیدر ؟ بیله هم ایله جک کریه میدر ، خنده میدر ؟

طبیعی غزته لرده تاثیر ایده جک ایدی . بونک ایچون غزته یه بز بشقه بر نظارله باقیور و غزته یی ده مطاقا بر مسلک مروج افکاری دیه طانییوردق هر غزته نک معلوم و معین بر مسلک غزته سی اولسی و شو غزته نک کندیسینی قبول ایتدیکی مسلک فلسفیدن آیرلمه سی ایچون جدی سر محرر لر لازم اولدیغندن بزده عثمانیلرده کی کبی پانتله لی پانتله سز هر خذیه طبیعی غزته نشرینه باشلامیه جق و باشلامیه بیله هیچ پاره سز قاله جق ایدی . بزده غزته لر معلوم بر فرقته نک مروج افکاری ای .
غزته اداره لری معلوم بر پارتی قلوبی ایدی . غزته محرر لری معلوم پارتیلر فدائیلری ایدی . بونک ایچون بو غزته لرک کیدیشلری ایله طانیشمق ایچون روسیه تاتارلری آراسنده کی فرقته لرله تانیشمغه لزوم کورییورم .

قزانی عیاض

صوکی وار

ایرانلیلر

آذربایجان ترک لریله فارس لر بیننده قدیمی بر منافرت واردر . فارس لر ، ترک لره قبا احق کبی عنوانلر ویررک اهمیت ویرمکن خاندان حکومت بالمشکس آذربایجان ولایتک بو برحق میلون چالیشقان غبور عضوینی ، صبور ، متحمل ، متواضع عنصرینی دائما الله طوتمق ایچون برچوق حیللره مراجعت ایدر .

ترکر اسکی دن بری خاندان حکومته محب و شاهه صادق طانند . یغندن ایران شاهلری بو ، بر آوج خلقی ایرانک سائر اون بر ولایتنه ترجیح ایدر و بونلری خوشنود براقق ایچون پادشاه طاننجه یه قدر ولی عهدک زمانلری آذربایجانک مرکزی اولان تبریزده کچیرمه قدر خلوصلرده بولنورلردی .

تبریز حدوده یقین اولمق حسیله ایرانک اکثر ولایتلردن تجارتجه دها ایشلک و برچوق نقطه دن حائر اهمیت عد اولنور .
استبداد ایرانده کمال فعالیتله اجرای حکم ایدرکن بوکا ک زیاده آذربایجان قطعه سی معروض اولوردی و بیچاره آذربایجانلیلردن سنه ده یوزبیکلرجه سی ترک دار و دیاره مجبور اولورلردی .

اوتوزسنه دن بریدرکه آذربایجانلیلرک هندستان ، روسیه و ممالک عثمانیه اولان هجرتلری حیرت افرا بر صورتده تزیید ایدیور . و مظالم آلمنده بی تاب قالان زواللی کوییلر آقین آقین قومشو حکومتلره مهاجرته مجبور اولورلردی .

یالکیز آذربایجانک هدف اولدیغنی مظالم شوندن کلاسیلورکه استانبولده بشیک ایرانلی تصور اولنورسه عمومیتله آذربایجانلی اولوب سائر اوزرولایتدن بلکه الی کشی بولمق ممکن دکلدر .

ایرانلیلری یکدیگرنه ربط ایدن قوت محبت و طنبیدن زیاده روابط مذهبی اولدیغندن و ایرانده مذهب طولابری پک زیاده رواج

قاجارلرک ایرانى استیلا سنده بونلرک مظللمندن قاجان مجتهدلر نجفده گوشه کزین عزلت اولمشکن ینه حلقه تدریس لرنده یوز بیکلرجه طلبه موجوددر .

برطانیه سنه لرحه تحصیل ایتدکدن ، ذکا و درایت ، فضل و عرفانی دیکرلرینه تصدیق ایتدیردکن واجتهاده لیاقتی عموم علما طرفندن تسلیم اولوندقندن صکره مجتهد اعلان اولنور .

ایرانلیر عمومیتله بو مجتهدلری تقلید ایدرک احکام دینی لری بونلرک اجتهاد ورأیلری اوزرینه اجرا ایدر و بونلر عمومیتله اهالی طرفندن مقتدابه طانیلور [۳]

ایرانده علما عمومیتله ذیله جک درجه ده بونلرک حلقه تدریس سنده یتیشور . و بونلر طرفندن رخصت نامه آله رق ایرانک اطرافنه طاغیلور و اجرای وظیفه ایدر .

ایرانده خوجه لرک نفوذی پک چوقسه ده فقط سوز یالکیز نجفده بولنان مجتهدلر کدر .

بعضاً بونلر میاننده جداً ارباب فضل و کمالدن احوال زمانه واقف ، نادر الامثال ذواتک یتشمسی دخی و اقمدر . [۴] **ناجی**

سیروز عسکری قلوبندن :

عثمانی دوتماسنک تقویه سی ایچون

معزز و محترم قرداشلر

اقبال وطنک نکمهبان مخلصی بولسان عثمانی اردوسنک رفیق خاص و لازم غیر مفارقی اولان عثمانی دوتماسنک شان ملت ، احتیاج مملکتته لایق درجه تکمله ایصالی ارزو ایتیمان هـ چ برعثمانی تصور اولنه مز . تاریخ ملیمیزک صحائف شان واجلانی ترین ایدن نیجه حادثات علویه واردرکه بونلرک هپ عثمانی اردوسیه هم دست وفاق اوله رق حرکتی نتیجه سی استحصال اولونمشدر . جادوی استبدادک مشروطیت مزه بی رحمانه بر صورتده قصد ایتدیکی دم فلاکتده بیله ارائه سطوته مجبور اولان فدا کار اوردومزه اک بحرانی زمانده دست رفاقت و ماوتتی اوزادان محترم دوتنامیزک هر حالده ساحه ترقی و تکاملده خطوه انداز تعالی اولمسنه چالیشمق استقبال وطن نامنه تمنی و انتظار اولنه جق اک برنجی فریضه اولسه کر کدر . هله بحری بردولت اولمسی

[۳] اهل سنتک ام اعظم وائمه سائره بی طانیلر کی .

[۴] ناصرالدین زماننده یتشه ن میرزا حسن شیرازی کی . بو ذات محترمک زماننده ناصرالدین شاه عموم ایرانک سنوی دخان انحصاری غایت آرز بر مبلغ مقابلنده مقوله ایتش وملتک بو یوزدن دوچار اوله جنی مدهش زیان ، میرزای محترمک دخانک حرام اولدیغنی اعلان ایتسنه سبب اولمشیدی . بو اعلان اودرجه ده تأثیر سریع حصوله کتیردی که سرایده شاهک حرملری بیله بتون (نارکیله) لری قیردیلر .

عموم ملت طرفندن اظهار اولنان بواطاعت ، رزینک فسخی و شاهک علمایه اولان مغایرت قطعیه سیله نتیجه لندی .

ایده جکری امور طبیعیه دن ایدی . زیرا معلوم درکه ایران شاهلری دائماً روسیه حکومتک تحت حمایه سنده یشـ امش و اوتهدنبری عادتاً انلرک محمسی عد اولنورلردی .

ایران پرنسلی روسیه حکومتک تصدیق و تصویب اولمده و ولی عهد اوله ماز ، و بومسئله شاهلری روس حکومتک پک قوق رابطه لرله ربط ایدردی .

حتی شاه مخلوع محمد علی ولی عهد اولمغه صلاحیتدار دکلکن [۲] ولی عهد اولمسی محضاً روسیه حکومتک تصویب و اجباری سایه سنده در . یتش ، سکسان سنه اقدام ایرانده انکلتزه پولیتقه سی ر سیه بوـ لیتقه سنه غالب ایکن ـ قفقاسیه نک روسلره تسلیمیه نتیجه لهنـ روسیه و ایران محاربه سنده ایرانی حمایه ایده جکنی انکلتزه حکومتی وعد ایتمشکن سوزنده طور مامسی ایله متزلزل اولان انکلتزه سیاستی افغانستان مسئلهـ سنک ظهوریه بسبتون محو اولمش ویرینه بر روس پولیتقه سی قائم اولمشدی .

اشته روسیه نفوذی بو زماندن اعتباراً باشـ لایه رق کیت کیده اولیه برحاله کلشیدی که بالاده عرض اولندیغنی وجهله ولی عهدلر تصدیق اولوندقندن باشقه ایران صدر اعظماری دخی برر روس مأموری عد اولنورجه سنه حمایه اولنورلردی .

روسیه داخلی اختلالی فرصت عد ایدن ایران کنجلی اعلان مشروطیت ایدرکن انکلتزه دخی غیب ایتدیکی نفوذی قازانمق ایچون بونلری حمایه ایدیوردی .

مشروطیتک ، روحانیونک سعی و غیرت و حب حریتلری سایه سنده آلدیغنه ذاهب اولانلر و ارسه ده بو ، بر فکر باطلدن بشقه برشی دکلدر . ایرانی یوزلرجه سنه کیفلرینه اسیر ایدن ، اهالی بی محو و تخریب ایچون ـ حکومتله برلشـ رک ـ بیکلرجه شیطان پسندانه فکرلر احداث ایدن روحانیونک مشروطیت طلبنه قیامی پک غریب اولوردی ، بوقام اصل حریت پرورلرک اثر ذکا و مهارتی ایدی .

برطرفندن ، ملتک بونلرک مظللمندن بیقهرق مهبای عصیان بولمسی دیکر طرفندن احرارک بونلرله حکومت آردسنه نفاق صوقسی بونلری ایشه قاریشدیرمش و ایش ایشدن کچدکدن صکره بونلرک رجوعی محال حکمتی آاشیدی .

حریت اعلان اولنورکن روحانیوندن پک چوغنی میدان آتلمش و بو اوغورده فدای جان مهیا بولندقلرینی اعلان ایدیورلردی .

بو، جدا مشروطیت پرور اولدقلرندن نشأت ایتیه یوب بلکه بویکی موده بی ترویجده دیکر هم مسلک لرینه تقدم ایتک داعیه سندن نشأت ایدیوردی .

ایرانلیر عمومیتله ذیله جک درجه ده شیعی مذهب اولدقلرندن بونلرده مجتهدلر واردر .

[۲] ولی عهد اولقی ایچون بر پرنسک والده سنکده شهزاده اولمسی ایجاب ایدر .